




INSTITUTE OF DHAMMA EDUCATION CENTER

DHAMMA SAHAYA SASANA CENTER
AUNG CHAN THAR, PYIN OO LWIN, MYANMAR.



NIBBĀNA KATHĀ



LECTURES ON NIBBĀNA

Delivered by Dr.Nandamalabhidhivamsa

ဓမුජයිප්‍රද අග්‍රීංගිඛෙළයා॥



NIBBĀNA KATHĀ

1375

2013

NIBBĀNA KATHĀ

1. Paṭhamanibbānapaṭisaṁyuttasuttaṁ

Evaṁ me sutam- ekam samayaṁ bhagavā sāvatthiyam viharati jetavane anāthapiṇḍikassa ārāme. Tena kho pana samayena bhagavā bhikkhū nibbānapaṭisaṁyuttāya dhammiyā kathāya sandasseti samādapeti samuttejeti sampahaṁseti. Tedha bhikkhū aṭṭhim katvā manasi katvā sabbaṁ cetaso samannāharitvā ohitasotā dhammaṁ suṇanti.

Atha kho bhagavā etamatthaṁ viditvā tāyaṁ velāyaṁ imam udānam udānesi-

“Atthi, bhikkhave, tadāyatanaṁ, yattha neva pathavī, na āpo, na tejo, na vāyo, na ākāsānañcā yatanam, na viññāṇañcāyatanam, na ākiñcaññā yatanam, na nevasaññānāsaññāyatanam, nāyaṁ loko, na paraloko, na ubho candimasūriyā.

Tatrāpāhaṁ, bhikkhave, neva āgatim vadāmi, na gatim, na ṭhitim, na cutim, na upapattim; appatiṭṭham, appavattam, anārammaṇa mevetam. Esevanto dukkhassā”ti. Paṭhamam.

2. Dutiyanibbānapaṭisamayuttasuttaṁ

Evaṁ me sutam- ekam samayaṁ bhagavā sāvathiyam viharati jetavane anāthapiṇḍikassa ārāme. Tena kho pana samayena bhagavā bhikkhū nibbānapaṭisamayuttāya dhammiyā kathāya sandasseti samādapeti samuttejeti sampahamseti. Tedha bhikkhū aṭṭhim katvā manasi katvā sabbam cetaso samannā haritvā ohitasotā dhammaṁ suñanti.

Atha kho bhagavā etamattham viditvā tāyam velāyam imam udānam udānesi-

“Duddasam anataṁ nāma, na hi saccam sudassanam;

paṭividdhā taṇhā jānato, passato natthi kiñcanan”ti. dutiyam;

3. Tatiyanibbānapaṭisamayuttasuttaṁ

Evaṁ me sutam- ekam samayaṁ bhagavā sāvathiyam viharati jetavane anāthapiṇḍikassa ārāme. Tena kho pana samayena bhagavā bhikkhū nibbānapaṭisamayuttāya dhammiyā kathāya sandasseti samādapeti samuttejeti sampahamseti. Tedha bhikkhū aṭṭhim katvā, manasi katvā, sabbam cetaso samannā haritvā, ohitasotā dhammaṁ suñanti.

Atha kho bhagavā etamattham viditvā tāyam velāyam imam udānam udānesi-

“Atthi, bhikkhave, ajātam abhūtam akataṁ asaṅkhataṁ. No cetam, bhikkhave, abhavissa ajātam abhūtam akataṁ asaṅkhataṁ, nayidha jātassa

NIBBĀNA KATHĀ

bhūtassa katassa sañkhatassa nissaraṇam
paññāyetha. Yasmā ca kho, bhikkhave, atthi ajātam
abhūtam akataṁ asañkhataṁ, tasmā jātassa
bhūtassa katassa sañkhatassa nissaraṇam
paññāyatī”ti. Tatiyam.

4. Catutthanibbānapaṭisaṁyuttasuttam

Evaṁ me sutam- ekaṁ samayam bhagavā
sāvatthiyaṁ viharati jetavane anāthapiṇḍikassa
ārāme. Tena kho pana samayena bhagavā bhikkhū
nibbānapaṭisaṁyuttāya dhammiyā kathāya
sandasseti samādapeti samuttejeti sampahamseti.
Tedha bhikkhū aṭṭhim katvā manasi katvā sabbaṁ^m
cetaso samannāharitvā ohitasotā dhammaṁ suṇanti.

Atha kho bhagavā etamattham viditvā tāyaṁ
velāyam imam udānam udānesi-

“Nissitassa calitam, anissitassa calitam natthi.
Calite asati passaddhi, passaddhiyā sati natī na hoti.
Natiyā asati āgatigati na hoti. Āgatigatiyā asati
cutūpapāto na hoti. Cutū-papāte asati nevidha na
huram na ubhayamantarena. Esevanto dukkhassā”ti.
Catuttham.

5. Bāhiyasuttam

“Tasmātiha te, bāhiya, evam sikkhitabbam-
‘diṭṭhe diṭṭhamattam bhavissati, sute sutamattam
bhavissati, mute mutamattam bhavissati, viññāte

viññātamattam bhavissati ti.

Evañhi te, bāhiya, sikkhitabbam. Yato kho te, bāhiya, ditthe ditthamattam bhavissati, sute sutamattam bhavissati, mute mutamattam bhavissati, viññāte viññātamattam bhavissati,

tato tvam, bāhiya, na tena; yato tvam, bāhiya, na tena tato tvam, bāhiya, na tattha; yato tvam, bāhiya, na tattha, tato tvam, bāhiya, nevidha na huram na ubhayamantarena. Ese-vanto dukkhassā”ti.

“Yattha āpo ca pathavī, tejo vāyo na gādhati;
na tattha sukkā jotanti, ādicco nappakāsatī;
na tattha candimā bhāti, tamo tattha na vijjati.

“Yadā ca attanāvedi §03, muni monena brāhmaṇo;

atha rūpā arūpā ca, sukhadukkhā pamuccatī”ti.

6. Rājasuttam

Atha kho bhagavā etamattham viditvā tāyam velāyam imam udānam udānesi-

“Yañca kāmasukham loke, yañcidam divyam sukham;

tañhakkhayasukhassete, kalam nāgghanti sojasin”ti.

7. Mahāmoggallānasuttam

Atha kho bhagavā etamattham viditvā tāyam velāyam imam udānam udānesi-

NIBBĀNA KATHĀ

“Sati kāyagatā upaṭṭhitā,
chasu phassāyatanesu saṃvuto;
satataṃ bhikkhu samāhito,
jaññā nibbānamattano”ti.

8. Lokasuttaṃ

Evaṃ me sutam- ekaṃ samayam bhagavā
uruvelāyaṃ viharati naggi nerañjarāya tīre
bodhirukkhamūle paṭhamābhisambuddho. Tena kho
pana samayena bhagavā sattāham ekapallaṅkena
nisinno hoti vimuttisukhapaṭisaṃvedī.

Atha kho bhagavā tassa sattāhassa accayena
tamhā samādhimhā vuṭṭahitvā buddhacakkhunā
lokaṃ volokesi. Addasā kho bhagavā buddha
cakkhunā volokento satte anekehi santāpehi
santappamāne, anekehi ca pariṭāhehi pariḍayha
māne- rāgajehipi, dosajehipi, mohajehipi.

Atha kho bhagavā etamatthaṃ viditvā tāyaṃ¹
velāyaṃ imam udānam udānesi-

“Ayaṃ loko santāpajāto,
phassapareto rogaṃ vadati attato;
yena yena hi maññati,
tato taṃ hoti aññathā.

“Aññathābhāvī bhavasatto loko,
bhavapareto bhavamevābhinandati;
yadabhinandati taṃ bhayaṃ,
yassa bhāyati taṃ dukkham;
bhavavippahānāya kho panidam brahma
cariyam vussati”.

“Ye hi keci samañā vā brāhmañā vā bhavena bhavassa vippamokkhamāhaṁsu, sabbe te avippamuttā bhavasmā’ti vadāmi.

‘Ye vā pana keci samañā vā brāhmañā vā vibhavena bhavassa nissaraṇamāhaṁsu, sabbe te anissaṭā bhavasmā’ti vadāmi.

“Upadhiñhi paṭicca dukkhamidaṁ sambhoti, sabbupādānakkhayā natthi dukkhassa sambhavo. Lokamimamaṁ passa; puthū avijjāya paretā bhūtā bhūtaratā aparimuttā; ye hi keci bhavā sabbadhi sabbatthatāya sabbe te bhavā aniccā dukkhā vipariṇāmadhammā”ti.

“Evametaṁ yathābhūtaṁ, sammappaññāya passato;

bhavataṇhā pahiyati, vibhavaṁ nābhinandati.

“Sabbaso taṇhānaṁ khayā,

asesavirāganirodho nibbānaṁ;

tassa nibbutassa bhikkhuno,

anupādā punabbhavo na hoti.

Abhibhūto māro vijjitasaṅgāmo,

upaccagā sabbabhavāni tādi”ti.

9. Cūḷapanthakasuttaṁ

Evam me sutam- ekam samayaṁ bhagavā sāvatthiyaṁ viharati jetavane anāthapiṇḍikassa ārāme. Tena kho pana samayena āyasmā cūḷapanthako §01 bhagavato avidūre nisinno hoti pallaṅkaṁ ābhujitvā ujuṁ kāyaṁ pañidhāya parimukhaṁ satiṁ upaṭṭhapetvā.

Addasā kho bhagavā āyasmantaṁ

NIBBĀNA KATHĀ

cūlapanthakaṁ avidūre nisinnam pallañkaṁ ābhujitvā
ujum kāyam pañidhāya parimukhaṁ satiṁ
upaṭṭhapetvā.

Atha kho bhagavā etamattham viditvā tāyaṁ
velāyam imam udānam udānesi-

“Thitena kāyena thitena cetasā,
tiṭṭham nisinno uda vā sayāno;
etam satiṁ bhikkhu adhiṭṭhahāno,
labhetha pubbāpariyam visesam;
laddhāna pubbāpariyam visesam,
adassanaṁ maccurājassa gacche”ti.

Asaṅkhatasamayuttam

10. Kāyagatāsatisuttam

Sāvatthinidānam. “Asaṅkhatañca vo, bhikkhave, desessāmi asaṅkhatagāmīñca maggam. Tam suṇātha. Katamañca, bhikkhave, asaṅkhataṁ? Yo, bhikkhave, rāgakkhayo dosakkhayo mohakkha yo- idam vuccati, bhikkhave, asaṅkhataṁ. Katamo ca, bhikkhave, asaṅkhatagāmīmaggo? Kāyagatāsati. Ayam vuccati, bhikkhave, asaṅkhatagāmīmaggo”.

“Iti kho, bhikkhave, desitaṁ vo mayā asaṅkhataṁ, desito asaṅkhatagāmīmaggo. Yam, bhikkhave, satthārā karaṇiyam sāvakānam hitesinā anukampakena anukampaṁ upādāya, kataṁ vo tam mayā. Etāni, bhikkhave, rukkhamūlāni, etāni

suññāgārāni. Jhāyatha §01, bhikkhave, mā pamādattha; mā pacchā vippaṭisāriño ahuvattha. Ayaṁ vo amhākam anusāsanī”ti. Paṭhamam.

11. Samathavipassanāsuttam

“Asaṅkhatañca vo, bhikkhave, desessāmi asaṅkhatagāmīñca maggam. Tam suṇātha. Katamañca, bhikkhave, asaṅkhataṁ? Yo, bhikkhave, rāgakkhayo dosakkhayo mohakkhayo- idam vuccati, bhikkhave, asaṅkhataṁ. Katamo ca, bhikkhave, asaṅkhatagāmīmaggo? Samatho ca vipassanā ca. Ayam vuccati, bhikkhave, asaṅkhata gāmīmaggo ...pe.... Dutiyam.

12. Savitakkasavicārasuttam

“Katamo ca, bhikkhave, asaṅkhatagāmī maggo? Savitakkasavicāro samādhi, avitakkavicāra matto samādhi, avitakka-avicāro samādhi- ayam vuccati, bhikkhave, asaṅkhatagāmīmaggo ...pe.... Tatiyam.

13. Suññatasamādhisuttam

“Katamo ca, bhikkhave, asaṅkhatagāmī maggo? Suññato samādhi, animitto samādhi, appanihitō samādhi- ayam vuccati, bhikkhave, asaṅkhatagāmīmaggo ...pe.... Catuttham.

14. Satipaṭṭhānasuttam

“Katamo ca, bhikkhave, asaṅkhatagāmī

maggo? Cattāro satipaṭṭhānā. Ayaṁ vuccati,
bhikkhave, asaṅkhatagāmimaggo ...pe....
Pañcamam.

15. Sammappadhānasuttam

"Katamo ca, bhikkhave, asaṅkhatagāmi
maggo? Cattāro sammappadhānā. Ayaṁ vuccati,
bhikkhave, asaṅkhatagāmimaggo ...pe.... Chaṭṭham.

16. Iddhipādasuttam

"Katamo ca, bhikkhave, asaṅkhatagāmi
maggo? Cattāro iddhipādā. Ayaṁ vuccati, bhikkhave,
asaṅkhatagāmimaggo ...pe.... Sattamam.

17. Indriyasuttam

"Katamo ca, bhikkhave, asaṅkhatagāmi
maggo? Pañcindriyāni. Ayaṁ vuccati, bhikkhave,
asaṅkhatagāmimaggo ...pe.... Aṭṭhamam.

18. Balasuttam

"Katamo ca, bhikkhave, asaṅkhatagāmi
maggo? Pañca balāni. Ayaṁ vuccati, bhikkhave,
asaṅkhatagāmimaggo ...pe.... Navamam.

19. Bojjhaṅgasuttam

"Katamo ca, bhikkhave, asaṅkhatagāmi
maggo? Satta bojjhaṅgā. Ayaṁ vuccati, bhikkhave,
asaṅkhatagāmimaggo ...pe.... Dasamam.

20. Maggaṅgasuttam

“Katamo ca, bhikkhave, asaṅkhatagāmi maggo? Ariyo aṭṭhaṅgiko maggo. Ayam vuccati, bhikkhave, asaṅkhatagāmimaggo. Iti kho, bhikkhave, desitam vo mayā asaṅkhataṁ, desito asaṅkhatagāmimaggo. Yam, bhikkhave, satthārā karaṇiyam sāvakānaṁ hitesinā anukampakena anukampaṁ upādāya kataṁ vo taṁ mayā. Etāni, bhikkhave, rukkhamūlāni, etāni suññāgārāni. Jhāyatha, bhikkhave, mā pamādattha; mā pacchā vippaṭisārino ahuvattha. Ayam vo amhākaṁ anusāsanī”ti. Ekādasamam.

Paṭhamo vaggo.

21. Samathasuttam

“Asaṅkhatañca vo, bhikkhave, desessāmi asaṅkhatagāmiñca maggam. taṁ sunātha. katamañca, bhikkhave, asaṅkhataṁ? yo, bhikkhave, rāgakkhayo dosakkhayo mohakkhayo- idam vuccati, bhikkhave, asaṅkhataṁ. katamo ca, bhikkhave, asaṅkhatagāmimaggo? samatho. ayam vuccati, bhikkhave, asaṅkhatagāmimaggo. iti kho, bhikkhave, desitam vo mayā asaṅkhataṁ, desito asaṅkhata gāmimaggo. Yam, bhikkhave, satthārā karaṇiyam sāvakānaṁ hitesinā anukampakena anukampaṁ upādāya, kataṁ vo taṁ mayā. etāni, bhikkhave, rukkhamūlāni, etāni suññāgārāni. jhāyatha,

bhikkhave, mā pamādattha; mā pacchā vippaṭisārino
ahuvattha. ayam vo amhākam anusāsanīti.

22. Vipassanāsuttam

“Asaṅkhatañca vo, bhikkhave, desessāmi
asaṅkhatagāmiñca maggam. tam suṇātha.
katamañca, bhikkhave, asaṅkhataṁ? yo,
bhikkhave, rāgakkhayo dosakkhayo mohakkhayo,
idaṁ vuccati, bhikkhave, asaṅkhataṁ. katamo ca,
bhikkhave, asaṅkhatagāmimaggo? vipassanā.
ayam vuccati, bhikkhave, asaṅkhatagāmimaggo.

iti kho, bhikkhave, desitaṁ vo mayā
asaṅkhataṁ ...pe... ayam vo amhākam anusāsanīti.

23. Savitakkasuttam

“Katamo ca, bhikkhave, asaṅkhatagāmi
maggo? savitakko savicāro samādhi. ayam vuccati,
bhikkhave, asaṅkhatagāmimaggo ...pe...

24. Avitakkasuttam

katamo ca, bhikkhave, asaṅkhatagāmimaggo?
avitakko vicāramatto samādhi. ayam vuccati,
bhikkhave, asaṅkhatagāmimaggo ...pe...

katamo ca, bhikkhave, asaṅkhatagāmimaggo?
avitakko avicāro samādhi. ayam vuccati, bhikkhave,
asaṅkhatagāmimaggo ...pe....

25. Suññatasuttam

“Katamo ca, bhikkhave, asaṅkhatagāmi
maggo? suññato samādhi. ayam vuccati, bhikkhave,

asaṅkhatagāmimaggo ...pe...

26. Animittasuttaṁ

katamo ca, bhikkhave, asaṅkhatagāmimaggo? animitto samādhi. ayam vuccati, bhikkhave, asaṅkhatagāmimaggo ...pe...

27. Appaṇihitsuttaṁ

katamo ca, bhikkhave, asaṅkhatagāmimaggo? appaṇihito samādhi. ayam vuccati, bhikkhave, asaṅkhata-gāmimaggo ...pe....

28. Satipatthāna Suttāni

“Katamo ca, bhikkhave, asaṅkhatagāmi maggo? idha, bhikkhave, bhikkhu kāye kāyānupassī viharati ātāpī sampajāno satimā vineyya loke abhijjhādomanassam. ayam vuccati, bhikkhave, asaṅkhatagāmimaggo ...pe...

katamo ca, bhikkhave, asaṅkhatagāmimaggo? idha, bhikkhave, bhikkhu vedanāsu vedanānupassī viharati ...pe... ayam vuccati, bhikkhave, asaṅkhatagāmimaggo ...pe...

katamo ca, bhikkhave, asaṅkhata gāmimaggo? idha, bhikkhave, bhikkhu citte cittānupassī ...pe... ayam vuccati, bhikkhave, asaṅkhatagāmimaggo ...pe...

katamo ca, bhikkhave, asaṅkhatagāmimaggo? idha, bhikkhave, bhikkhu dhammesu dhammānupassī viharati ...pe... ayam vuccati, bhikkhave, asaṅkhatagāmimaggo ...pe....

29. Sammappadhāna Suttāni

“Katamo ca, bhikkhave, asaṅkhatagāmi maggo? idha, bhikkhave, bhikkhu anuppannānaṁ pāpakānaṁ akusalānaṁ dhammānaṁ anuppādā chandaṁ janeti vāyamati vīriyaṁ ārabhati cittam paggaṇhāti padahati. ayaṁ vuccati, bhikkhave, asaṅkhatagāmimaggo ...pe...

katamo ca, bhikkhave, asaṅkhatagāmimaggo? idha, bhikkhave, bhikkhu uppannānaṁ pāpakānaṁ akusalānaṁ dhammānaṁ pahānā chandaṁ janeti vāyamati vīriyaṁ ārabhati cittam paggaṇhāti padahati. ayaṁ vuccati, bhikkhave, asaṅkhatagāmimaggo ...pe...

katamo ca, bhikkhave, asaṅkhatagāmi maggo? idha, bhikkhave, bhikkhu anuppannānaṁ kusalānaṁ dhammānaṁ uppādā chandaṁ janeti vāyamati vīriyaṁ ārabhati cittam paggaṇhāti padahati. ayaṁ vuccati, bhikkhave, asaṅkhata gāmimaggo ...pe...

katamo ca, bhikkhave, asaṅkhatagāmimaggo? idha, bhikkhave, bhikkhu uppannānaṁ kusalānaṁ dhammānaṁ ṭhitiyā asammosāya bhiyyobhāvāya vepullāya bhāvanāya pāripūriyā chandaṁ janeti vāyamati vīriyaṁ ārabhati cittam paggaṇhāti padahati. ayaṁ vuccati, bhikkhave, asaṅkhatagāmimaggo ...pe....

30. Iddhpāda Suttāni

“Katamo ca, bhikkhave, asaṅkhatagāmi

maggo? Idha, bhikkhave, bhikkhu chandasamādi padhānasañkhārasamannāgataṁ iddhipādaṁ bhāveti. Ayaṁ vuccati, bhikkhave, asaṅkhata gāmimaggo ...pe...

katamo ca, bhikkhave, asaṅkhatagāmimaggo? Idha, bhikkhave, bhikkhu vīriyasamādhipadhāna sañkhārasamannāgataṁ iddhipādaṁ bhāveti. Ayaṁ vuccati, bhikkhave, asaṅkhatagāmimaggo ...pe...

katamo ca, bhikkhave, asaṅkhatagāmimaggo? Idha, bhikkhave, bhikkhu cittasamādhipadhāna sañkhāra samannā gataṁ iddhipādaṁ bhāveti. Ayaṁ vuccati, bhikkhave, asaṅkhatagāmimaggo ...pe...

katamo ca, bhikkhave, asaṅkhatagāmimaggo? Idha, bhikkhave, bhikkhu vīmaṇsasamādhi padhāna sañkhārasamannāgataṁ iddhipādaṁ bhāveti. Ayaṁ vuccati, bhikkhave, asaṅkhata gāmimaggo ...pe....

31. Indriya Suttāni

"Katamo ca, bhikkhave, asaṅkhatagāmi maggo? Idha, bhikkhave, bhikkhu saddhindriyam bhāveti vivekanissitaṁ virāganissitaṁ nirodha nissitaṁ vossaggapariṇāmiṁ. Ayaṁ vuccati, bhikkhave, asaṅkhatagāmimaggo ...pe..."

katamo ca, bhikkhave, asaṅkhatagāmimaggo? Idha, bhikkhave, bhikkhu vīriyindriyam bhāveti vivekanissitaṁ ...pe... ayaṁ vuccati, bhikkhave, asaṅkhatagāmimaggo ...pe..."

katamo ca, bhikkhave, asaṅkhatagāmimaggo? Idha, bhikkhave, bhikkhu satindriyam bhāveti ...pe..."

ayaṁ vuccati, bhikkhave, asaṅkhatagāmimaggo
...pe...

katamo ca, bhikkhave, asaṅkhatagāmimaggo?
Idha, bhikkhave, bhikkhu samādhindriyam bhāveti
...pe... ayaṁ vuccati, bhikkhave, asaṅkhatagāmi
maggo ...pe...

katamo ca, bhikkhave, asaṅkhatagāmi
maggo? Idha, bhikkhave, bhikkhu paññindriyam
bhāveti vivekanissitam virāganissitam nirodha
nissitam vossaggapariṇāmī. Ayam vuccati,
bhikkhave, asaṅkhatagāmimaggo ...pe....

32. Bala Suttāni

“Katamo ca, bhikkhave, asaṅkhatagāmi
maggo? Idha, bhikkhave, bhikkhu saddhābalam
bhāveti vivekanissitam ...pe... ayaṁ vuccati,
bhikkhave, asaṅkhatagāmimaggo ...pe...

katamo ca, bhikkhave, asaṅkhatagāmi maggo?
Idha, bhikkhave, bhikkhu vīriyabalam bhāveti ...pe...
ayaṁ vuccati, bhikkhave, asaṅkhata gāmimaggo
...pe...

katamo ca, bhikkhave, asaṅkhatagāmimaggo?
Idha, bhikkhave, bhikkhu satibalam bhāveti ...pe...
ayaṁ vuccati, bhikkhave, asaṅkhatagāmimaggo
...pe...

katamo ca, bhikkhave, asaṅkhatagāmimaggo?
Idha, bhikkhave, bhikkhu samādhibalam bhāveti
...pe... ayaṁ vuccati, bhikkhave, asaṅkhatagāmi
maggo ...pe... katamo ca, bhikkhave, asaṅkhatagāmi
maggo?

Idha, bhikkhave, bhikkhu paññābalam bhāveti vivekanissitam virāganissitam nirodhanissitam vossaggapariṇāmiṁ. Ayaṁ vuccati, bhikkhave, asaṅkhatagāmimaggo ...pe....

33. Bojjhaṅga Suttāni

"Katamo ca, bhikkhave, asaṅkhatagāmi maggo? Idha, bhikkhave, bhikkhu satisambojjhaṅgam bhāveti ...pe... ayam vuccati, bhikkhave, asaṅkhata gāmimaggo ...pe..."

katamo ca, bhikkhave, asaṅkhatagāmimaggo?
Idha, bhikkhave, bhikkhu dhammavicaya sambojjhaṅgam bhāveti...pe... viriyasambojjhaṅgam bhāveti ...pe... pītisambojjhaṅgam bhāveti ...pe... passaddhi sambojjhaṅgam bhāveti ...pe... samādhi sambojjhaṅgam bhāveti ...pe... upekkhā sambojjhaṅgam bhāveti vivekanissitam virāga nissitam nirodhanissitam vossaggapariṇāmiṁ. Ayam vuccati, bhikkhave, asaṅkhatagāmimaggo ...pe....

34. Maggaṅga Suttāni

"Katamo ca, bhikkhave, asaṅkhatagāmi maggo? Idha, bhikkhave, bhikkhu sammāditṭhim bhāveti vivekanissitam virāganissitam nirodhanissitam vossaggapariṇāmiṁ. Ayaṁ vuccati, bhikkhave, asaṅkhatagāmimaggo ...pe..."

katamo ca, bhikkhave, asaṅkhatagāmimaggo?
Idha, bhikkhave, bhikkhu sammāsaṅkappam bhāveti ...pe... sammāvācam bhāveti ...pe... sammākammantam bhāveti ...pe... sammā-ājivam

NIBBĀNA KATHĀ

bhāveti ...pe... sammāvāyāmam bhāveti ...pe...
sammāsatim bhāveti ...pe...

asaṅkhatañca vo bhikkhave, desessāmi
asaṅkhatagāmiñca maggam. Tam suṇātha.
Katamañca, bhikkhave, asaṅkhataṁ ...pe... Katamo
ca, bhikkhave, asaṅkhata gāmimaggo? Idha,
bhikkhave, bhikkhu sammāsamādhiṁ bhāveti
vivekanissitam virāganissitam nirodhanissitam
vossaggapariṇāmī. Ayam vuccati, bhikkhave,
asaṅkhatagāmimaggo.

Iti kho, bhikkhave, desitaṁ vo mayā
asaṅkhataṁ, desito asaṅkhatagāmimaggo. Yaṁ,
bhikkhave, satthārā karaṇiyāṁ sāvakānam hitesinā
anukampakena anukampaṁ upādāya, kataṁ vo tam
mayā. Etāni, bhikkhave, rukkhamūlāni, etāni
suññāgārāni. Jhāyatha, bhikkhave, mā pamādattha;
mā pacchā vippaṭisārino ahuvattha. Ayam vo
amhākam anusāsanī”ti. Paṭhamam.

35. Anatasuttam

“Anatañca vo, bhikkhave, desessāmi,
anatagāmiñca maggam. Tam suṇātha. Katamañca,
bhikkhave, anataṁ ...pe...”. (yathā asaṅkhataṁ tathā
vitthāretabbaṁ). Dutiyam.

36-66. Anāsavādisuttāni

“Anāsavañca vo, bhikkhave, desessāmi
anāsavagāmiñca maggam. Tam suṇātha.
Katamañca, bhikkhave, anāsavam ...pe...

saccañca vo, bhikkhave, desessāmi

NIBBĀNA KATHĀ

saccagāmiñca maggam. Tam suñātha. Katamañca,
bhikkhave, saccam ...pe...

pārañca vo, bhikkhave, desessāmi
pāragāmiñca maggam. Tam suñātha. Katamañca,
bhikkhave, pāram ...pe...

nipuṇañca vo, bhikkhave, desessāmi
nipuṇagāmiñca maggam. Tam suñātha. Katamañca,
bhikkhave, nipuṇam ...pe...

sududdasañca vo, bhikkhave, desessāmi
sududdasagāmiñca maggam. Tam suñātha.
Katamañca, bhikkhave, sududdasam ...pe...

ajajjarañca vo, bhikkhave, desessāmi
ajajjaragāmiñca maggam. Tam suñātha. Katamañca,
bhikkhave, ajajjaram ...pe...

dhuvañca vo, bhikkhave, desessāmi
dhuvagāmiñca maggam. Tam suñātha. Katamañca,
bhikkhave, dhuvaṁ ...pe...

apalokitañca vo, bhikkhave, desessāmi
apalokitagāmiñca maggam. Tam suñātha.
Katamañca, bhikkhave, apalokitam ...pe...

anidassanañca vo, bhikkhave, desessāmi
anidassanagāmiñca maggam. Tam suñātha.
Katamañca, bhikkhave, anidassanam ...pe...

nippapañcañca vo, bhikkhave, desessāmi
nippapañcagāmiñca maggam. Tam suñātha.
Katamañca, bhikkhave, nippapañcam ...pe...

"Santañca vo, bhikkhave, desessāmi
santagāmiñca maggam. Tam suñātha. Katamañca,
bhikkhave, santam ...pe...

amatañca vo, bhikkhave, desessāmi
amatagāmiñca maggam. Tam suñātha. Katamañca,

NIBBĀNA KATHĀ

bhikkhave, amatañ ...pe...

pañitañca vo, bhikkhave, desessāmi
pañitagāmiñca maggam. Tam suñātha. Katamañca,
bhikkhave, pañitam ...pe...

sivañca vo, bhikkhave, desessāmi
sivagāmiñca maggam. Tam suñātha. Katamañca,
bhikkhave, sivam ...pe...

khemañca vo, bhikkhave, desessāmi
khemagāmiñca maggam. Tam suñātha.
Katamañca, bhikkhave, khemam ...pe...

tañhākkhayañca vo, bhikkhave, desessāmi
tañhākkhayagāmiñca maggam. Tam suñātha.
Katamañca, bhikkhave, tañhākkhayañ ...pe...

“Acchariyañca vo, bhikkhave, desessāmi
acchariyagāmiñca maggam. Tam suñātha.
Katamañca, bhikkhave, acchariyam ...pe...

abbhutañca vo, bhikkhave, desessāmi
abbhutagāmiñca maggam. Tam suñātha.
Katamañca, bhikkhave, abbhutam ...pe...

anītikañca vo, bhikkhave, desessāmi
anītikagāmiñca maggam. Tam suñātha. Katamañca,
bhikkhave, anītikam ...pe...

anītikadhammañca vo, bhikkhave, desessāmi
anītikadhammagāmiñca maggam. Tam suñātha.
Katamañca, bhikkhave, anītikadhammam ...pe...

nibbānañca vo, bhikkhave, desessāmi
nibbānagāmiñca maggam. Tam suñātha. Katamañca,
bhikkhave, nibbānam ...pe...

abyāpajjhāñca §01 vo, bhikkhave, desessāmi
abyāpajjhagāmiñca maggam. Tam suñātha.

NIBBĀNA KATHĀ

Katamañca, bhikkhave, abyāpajjhaṁ ...pe...

virāgañca vo, bhikkhave, desessāmi
virāgagāmiñca maggam. Tam suṇātha. Katamo ca,
bhikkhave, virāgo ...pe...

“Suddhiñca vo, bhikkhave, desessāmi
suddhigāmiñca maggam. Tam suṇātha. Katamā ca,
bhikkhave, suddhi ...pe...

muttiñca vo, bhikkhave, desessāmi
muttigāmiñca maggam. Tam suṇātha. Katamā ca,
bhikkhave, mutti ...pe...

anālayañca vo, bhikkhave, desessāmi
anālayagāmiñca maggam. Tam suṇātha. Katamo
ca, bhikkhave, anālayo ...pe...

dīpañca vo, bhikkhave, desessāmi
dīpagāmiñca maggam. Tam suṇātha. Katamañca,
bhikkhave, dīpaṁ ...pe...

leṇañca vo, bhikkhave, desessāmi leṇagāmiñca
maggam. Tam suṇātha. Katamañca, bhikkhave,
leṇaṁ ...pe...

tāṇañca vo, bhikkhave, desessāmi
tāṇagāmiñca maggam. Tam suṇātha. Katamañca,
bhikkhave, tāṇaṁ ...pe...

saraṇañca vo, bhikkhave, desessāmi
saraṇagāmiñca maggam. Tam suṇātha. Katamañca,
bhikkhave, saraṇaṁ ...pe...anusāsanī”ti?
Bāttim̄satimam.

67. Parāyanasuttaṁ

“Parāyanañca vo, bhikkhave, desessāmi
parāyanagāmiñca maggam. Tam suṇātha.

NIBBĀNA KATHĀ

Katamañca, bhikkhave, parāyanam? Yo, bhikkhave, rāgakkhayo dosakkhayo mohakkhayo- idam vuccati, bhikkhave, parāyanam. Katamo ca, bhikkhave, parāyanagāmī maggo? Kāyagatāsatī. Ayam vuccati, bhikkhave, parāyanagāmimaggo.

Iti kho, bhikkhave, desitañ vo mayā parāyanam, desito parāyana gāmimaggo. Yañ, bhikkhave, satthārā karañiyam sāvakānam hitesinā anukampakena anukampañ upādāya, katañ vo tañ mayā. Etāni, bhikkhave, rukkhamūlāni, etāni suññāgārāni. Jhāyatha, bhikkhave, mā pamādattha; mā pacchā vippañisārino ahuvattha. Ayañ vo amhākam anusāsanī”ti. (yathā asaṅkhatañ tathā vitthāretabbañ). Tettimsatimam.

Dutiyo vaggo.

68. Brahmayācanasuttam

Evañ me sutam- ekañ samayañ bhagavā uruvelāyañ viharati najjā nerañjarāya tīre ajapālanigrodhamūle pañhamābhisisambuddho. Atha kho bhagavato rahogatassa pañisallinassa evam cetaso parivitakko udapādi-

“adhibhāto kho myāyam dhammo gambhīro duddaso duranubodho santo pañito atakkāvacaro nipuno pañditavedaniyo. Ālayarāmā kho panāyam pajā ālayaratā ālayasammuditā. Ālayarāmāya kho pana pajāya ālayaratāya ālayasammuditāya duddasañ idam thānam yadidam idappaccayatā pañiccasamuppādo.

NIBBĀNA KATHĀ

Idampi kho ṭhānam duddasam yadidañ sabba sañkhārasamatho sabbūpadhipaṭinissaggo tañhākkhayo virāgo nirodho nibbānam.

Ahañceva kho pana dhammam deseyyam; pare ca me na ājāneyyum; so mamassa kilamatho, sā mamassa vihesā”ti. Apissu bhagavantam imā anacchariyā gāthāyo paṭibhamṣu pubbe assutapubbā-

“Kicchena me adhigatañ,
halam dāni pakāsitum;
rāgadosaparetehi,
nāyam dhammo susambudho.
“Paṭisotagāmīñ nipiñam,
gambhīram duddasam añum;
rāgarattā na dakkhanti, tamokhandhena
āvuñā”ti §01.

Itiha bhagavato paṭisañcikkhato apposukkata
ya cittam namati, no dhammadesanāya.

69. Navasuttam

Sāvatthiyam viharati. Tena kho pana samayena aññataro navo bhikkhu pacchābhattam piñdapātapaṭikkanto vihāram pavisitvā apposukko tuñhibhūto sañkasāyati, na bhikkhūnam veyyāvaccam karoti cīvarakārasamaye.

Atha kho sambahulā bhikkhū yena bhagavā tenupasañkamim̄su; upasañkamitvā bhagavantam abhivādetvā ekamantam nisidim̄su. Ekamantam nisinnā kho te bhikkhū bhagavantam etadavocum- “idha, bhante, aññataro navo bhikkhu pacchābhattam

NIBBĀNA KATHĀ

piñḍapātapaṭikkanto vihāram pavisitvā appossukko tuṇhībhūto saṅkasāyati, na bhikkhūnam veyyāvaccam karoti cīvarakāra samaye”ti.

Atha kho bhagavā aññataram bhikkhum āmantesi- “ehi tvam, bhikkhu, mama vacanena tam bhikkhum āmantehi ‘satthā tam, āvuso, āmanteti”ti. “Evam bhante”ti kho so bhikkhu bhagavato paṭissutvā yena so bhikkhu tenupa saṅkami; upasaṅkamitvā tam bhikkhum etadavoca-“satthā tam, āvuso, āmanteti”ti. “Evamāvuso”ti kho so bhikkhu tassa bhikkhuno paṭissutvā yena bhagavā tenupasaṅkami; upasaṅkamitvā bhagavantam abhvādetvā ekamantaṁ nisidi.

Ekamantaṁ nisinnam kho tam bhikkhum bhagavā etadavoca- “saccaṁ kira tvam, bhikkhu, pacchābhattam piñḍapātapaṭikkanto vihāram pavisitvā appossukko tuṇhībhūto saṅkasāyasi, na bhikkhūnam veyyāvaccam karosi cīvarakārasamaye”ti? “Ahampi kho, bhante, sakam kiccam karomi”ti.

Atha kho bhagavā tassa bhikkhuno cetasā cetoparivitakkamaññāya bhikkhū āmantesi-

“mā kho tumhe, bhikkhave, etassa bhikkhuno ujjhāyittha. Eso kho, bhikkhave, bhikkhu catunnam jhānānam ābhicetasikānam ditthadhamma sukhavihārānam nikāmalābhī akicchalābhī akasira lābhī,

yassa catthāya kulaputtā sammadeva agārasmā anagāriyam pabbajanti,

tadanuttaram brahmacariyapariyosānam dittheva dhamme sayam abhiññā sacchikatvā upasampajja viharati”ti.

NIBBĀNA KATHĀ

**Idamavoca bhagavā. Idam vatvāna sugato
athāparam etadavoca satthā-**

"Nayidaṁ sīhīlamārabbha,
nayidaṁ appena thāmasā;
nibbānam adhigantabbam,
sabbadukkha ppamocanam.

"Ayañca daharo bhikkhu,
ayamuttamapuriso;
dhāreti antimam deham,
jetvā māram savāhinin"ti.

70. kevaṭṭasuttam

"Bhūtapubbaṁ, kevaṭṭa, imasmiññeva
bhikkhusaṅghe aññatarassa bhikkhuno evam
cetaso parivitakko udapādi- 'kattha nu kho ime
cattāro mahābhūtā aparisēśā nirujjhanti,
seyyathidam- pathavīdhātu āpodhātu tejodhātu
vāyodhātū'ti?

"Atha kho so, kevaṭṭa, bhikkhu tathārūpaṁ
samādhiṁ samāpajji, yathāsamāhite citte
devayāniyo maggo pāturahosī. Atha kho so, kevaṭṭa,
bhikkhu yena cātumahārājikā devā tenupasaṅkamī;
upasaṅkamitvā cātumahārājike deve etadavoca-
'kattha nu kho, āvuso, ime cattāro mahābhūtā
aparisēśā nirujjhanti, seyyathidam- pathavīdhātu
āpodhātu tejodhātu vāyodhātū'ti?

"Evam vutte, kevaṭṭa, cātumahārājikā devā
tam bhikkhum etadavocum- 'mayampi kho,
bhikkhu, na jānāma, yathime cattāro mahābhūtā
aparisēśā nirujjhanti, seyyathidam- pathavīdhātu

NIBBĀNA KATHĀ

āpodhātu tejodhātu vāyodhātūti §01. Atthi kho §02, bhikkhu, cattāro mahārājāno amhehi abhikkantatarā ca pañitatarā ca. Te kho etam jāneyyum, yatthime cattāro mahābhūtā aparisesā nirujjhanti, seyyathidam- pathavīdhātu āpodhātu tejodhātu vāyodhātūti.

“Atha kho so, kevaṭṭa, bhikkhu yena cattāro mahārājāno tenupasaṅkami; upasaṅkamitvā cattāro mahārāje etadavoca- ‘kattha nu kho, āvuso, ime cattāro mahābhūtā aparisesā nirujjhanti, seyyathidam- pathavīdhātu āpodhātu tejodhātu vāyodhātūti? Evam vutte, kevaṭṭa, cattāro mahārājāno tam bhikkhum etadavocum- ‘mayampi kho, bhikkhu, na jānāma, yatthime cattāro mahābhūtā aparisesā nirujjhanti, seyyathidam- pathavīdhātu, āpodhātu tejodhātu vāyodhātūti. Atthi kho, bhikkhu, tāvatiṁsā nāma devā amhehi abhikka ntatarā ca pañitatarā ca. Te kho etam jāneyyum, yatthime cattāro mahābhūtā aparisesā nirujjhanti, seyyathidam- pathavīdhātu āpodhātu tejodhātu vāyodhātūti.

“Atha kho so, kevaṭṭa, bhikkhu yena tāvatiṁsā devā tenupasaṅkami; upasaṅkamitvā tāvatiṁse deve etadavoca- ‘kattha nu kho, āvuso, ime cattāro mahābhūtā aparisesā nirujjhanti, seyyathidam- pathavīdhātu āpodhātu tejodhātu vāyodhātūti? Evam vutte, kevaṭṭa, tāvatiṁsā devā tam bhikkhum etadavocum- ‘mayampi kho, bhikkhu, na jānāma, yatthime cattāro mahābhūtā aparisesā nirujjhanti, seyyathidam- pathavīdhātu āpodhātu

NIBBĀNA KATHĀ

tejodhātu vāyodhātūti. Atthi kho, bhikkhu, sakko nāma devānamindo amhehi abhikkantataro ca pañītataro ca. So kho etam jāneyya, yatthime cattāro mahābhūtā aparisesā nirujjhanti, seyyathidaṁ- pathavīdhātu āpodhātu tejodhātu vāyodhātūti.

“Atha kho so, kevaṭṭa, bhikkhu yena sakko devānamindo tenupasaṅkami; upasaṅkamitvā sakkam devānamindam etadavoca- ‘kattha nu kho, āvuso, ime cattāro mahābhūtā aparisesā nirujjhanti, seyyathidaṁ- pathavīdhātu āpodhātu tejodhātu vāyodhātūti? Evaṁ vutte, kevaṭṭa, sakko devānamindo tam bhikkhum etadavoca- ‘ahampi kho, bhikkhu, na jānāmi, yatthime cattāro mahābhūtā aparisesā nirujjhanti, seyyathidaṁ- pathavīdhātu āpodhātu tejodhātu vāyodhātūti.

Atthi kho, bhikkhu, yāmā nāma devā ...pe... suyāmo nāma devaputto...

tusitā nāma devā... santussito nāma devaputto...

nimmānaratī nāma devā ... sunimmito nāma devaputto...

paranimmitavasavattī nāma devā... vasavattī nāma devaputto amhehi abhikkantataro ca pañītataro ca. So kho etam jāneyya, yatthime cattāro mahābhūtā aparisesā nirujjhanti, seyyathidaṁ- pathavīdhātu āpodhātu tejodhātu vāyodhātūti.

“Atha kho so, kevaṭṭa, bhikkhu yena vasavattī devaputto tenupasaṅkami; upasaṅkamitvā vasavattī devaputtam etadavoca- ‘kattha nu kho, āvuso, ime cattāro mahābhūtā aparisesā nirujjhanti,

seyyathidam- pathavīdhātu āpodhātu tejodhātu vāyodhātū'ti? Evam vutte, kevaṭṭa, vasavattī devaputto tam bhikkhum etadavoca- 'ahampi kho, bhikkhu, na jānāmi yathime cattāro mahābhūtā aparisesā nirujjhanti, seyyathidam- pathavīdhātu āpodhātu tejodhātu vāyodhātūti. Atthi kho, bhikkhu, brahmakāyikā nāma devā amhehi abhi-kkantatarā ca paññitatarā ca. Te kho etam jāneyyum, yathime cattāro mahābhūtā aparisesā nirujjhanti, seyyathidam- pathavīdhātu āpodhātu tejodhātu vāyodhātū'ti.

"Atha kho so, kevaṭṭa, bhikkhu tathārūpam samādhiṃ samāpajji, yathāsamāhite citte brahmayāniyo maggo pāturahosi. Atha kho so, kevaṭṭa, bhikkhu yena brahmakāyikā devā tenupasaṅkami; upasaṅkamitvā brahmakāyike deve etadavoca- 'kattha nu kho, āvuso, ime cattāro mahābhūtā aparisesā nirujjhanti, seyyathidam- pathavīdhātu āpodhātu tejodhātu vāyodhātū'ti? Evam vutte, kevaṭṭa, brahmakāyikā devā tam bhikkhum etadavocum- 'mayampi kho, bhikkhu, na jānāma, yathime cattāro mahābhūtā aparisesā nirujjhanti, seyyathidam- pathavīdhātu āpodhātu tejodhātu vāyodhātūti. Atthi kho, bhikkhu, brahmā mahābrahmā abhibhū anabhibhūto aññadatthudasō vasavattī issaro kattā nimmātā seṭṭho sajītā vasī pitā bhūtabhabhyānam amhehi abhikkantataro ca paññitataro ca. So kho etam jāneyya, yathime cattāro mahābhūtā aparisesā nirujjhanti, seyyathidam- pathavīdhātu āpodhātu tejodhātu vāyodhātū"ti.

"Kaham panāvuso, etarahi so mahābrahmā'ti?

NIBBĀNA KATHĀ

‘Mayampi kho, bhikkhu, na jānāma, yattha vā brahmā yena vā brahmā yahim vā brahmā; api ca, bhikkhu, yathā nimittā dissanti, āloko sañjāyati, obhāso pātubhavati, brahmā pātubhavissati, brahmuno hetam pubbanimittam pātubhāvāya, yadidam āloko sañjāyati, obhāso pātubhavatīti. Atha kho so, kevaṭṭa, mahābrahmā nacirasseva pāturaḥosi.

“Atha kho so, kevaṭṭa, bhikkhu yena so mahābrahmā tenupasaṅkami; upasaṅkamitvā tam mahābrahmānaṁ etadavoca- ‘kattha nu kho, āvuso, ime cattāro mahābhūtā arisesā nirujjhanti, seyyathidaṁ- pathavīdhātu āpodhātu tejodhātu vāyodhātū’ti? Evam vutte, kevaṭṭa, so mahābrahmā tam bhikkhum etadavoca- ‘ahamasmi, bhikkhu, brahmā mahābrahmā abhibhū anabhibhūto aññadatthudaso vasavattī issaro kattā nimmātā setṭho sajitā vasī pitā bhūtabhabhyānan’ti.

“Dutiyampi kho so, kevaṭṭa, bhikkhu tam mahābrahmānaṁ etadavoca- ‘na khoham tam, āvuso, evam pucchāmi- “tvamasi brahmā mahābrahmā abhibhū anabhibhūto aññadatthudaso vasavattī issaro kattā nimmātā setṭho sajitā vasī pitā bhūtabhabhyānan”ti. Evañca kho aham tam, āvuso, pucchāmi- “kattha nu kho, āvuso, ime cattāro mahābhūtā arisesā nirujjhanti, seyyathidaṁ- pathavīdhātu āpodhātu tejodhātu vāyodhātū”ti?

“Dutiyampi kho so, kevaṭṭa, mahābrahmā tam bhikkhum etadavoca- ‘ahamasmi, bhikkhu, brahmā mahābrahmā abhibhū anabhibhūto aññadatthudaso vasavattī issaro kattā nimmātā setṭho sajitā vasī pitā

bhūtabhabhyānan’ti.

Tatiyampi kho so, kevaṭṭa, bhikkhu tam mahābrahmānam etadavoca- ‘na khoham tam, āvuso, evam pucchāmi- “tvamasi brahmā mahābrahmā abhibhū anabhibhūto aññadatthudaso vasavattī issaro kattā nimmātā setṭho sajītā vasī pitā bhūtabhabhyānan”ti. Evañca kho aham tam, āvuso, pucchāmi- “kattha nu kho, āvuso, ime cattāro mahābhūtā aparsesā nirujjhanti, seyyathidaṁ- pathavīdhātu āpodhātu tejodhātu vāyodhātū”ti?

“Atha kho so, kevaṭṭa, mahābrahmā tam bhikkhum bāhāyaṁ gahetvā ekamantaṁ apanetvā tam bhikkhum etadavoca- ‘ime kho mā, bhikkhu, brahmakāyikā devā evam jānanti, “natthi kiñci brahmuno aññātaṁ, natthi kiñci brahmuno adiṭṭhaṁ, natthi kiñci brahmuno aviditaṁ, natthi kiñci brahmuno asacchikatan”ti. Tasmāhaṁ tesam sammukhā na byākāsim.

Ahampi kho, bhikkhu, na jānāmi yathime cattāro mahābhūtā aparsesā nirujjhanti, seyyathidaṁ- pathavīdhātu āpodhātu tejodhātu vāyodhātūti.

Tasmātiha, bhikkhu, tuyhevetam dukkaṭam, tuyhevetam aparaddham, yaṁ tvam tam bhagavantam atidhāvitvā bahiddhā pariyeṭṭhim āpajjasī imassa pañhassa veyyākaraṇāya. Gaccha tvam, bhikkhu, tameva bhagavantam upasaṅkamitvā imaṁ pañhaṁ puccha, yathā ca te bhagavā byākaroti, tathā naṁ dhāreyyāsi’ti.

“Atha kho so, kevaṭṭa, bhikkhu- seyyathāpi

nāma balavā puriso samiñjitaṁ vā bāhaṁ paśāreyya, pasāritaṁ vā bāhaṁ samiñjeyya evameva brahmañloke antarahito mama purato pāturañhosī. Atha kho so, kevaṭṭa, bhikkhu mañ abhivādetvā ekamantaṁ nisidi, ekamantaṁ nisinno kho, kevaṭṭa, so bhikkhu mañ etadavoca- 'kattha nu kho, bhante, īme cattāro mahābhūtā aparisesā nirujjhanti, seyyathidaṁ- pathavīdhātu āpodhātu tejodhātu vāyodhātū'ti?

"Evam vutte, ahaṁ, kevaṭṭa, taṁ bhikkhum etadavocam- 'bhūtapubbaṁ, bhikkhu, sāmuññikā vāñijā tīradassim sakunām gahetvā nāvāya samuddam ajjhogāhanti. te atīradakkhiniyā nāvāya tīradassim sakunām muñcanti.

so gacchateva puratthimam disam, gacchatī dakkhiṇam disam, gacchati pacchimam disam, gacchati uttaram disam, gacchati uddham disam, gacchati anudisam. sace so samantā tīram passati, tathāgata kova hoti. Sace pana so samantā tīram na passati, tameva nāvam paccāgacchati.

Evameva kho tvam, bhikkhu, yato yāva brahmañloka pariyesamāno imassa pañhassa veyyākarañnam nājjhagā, atha mamaññeva santike paccāgato.

Na kho eso, bhikkhu, pañho evam pucchitabbo- 'kattha nu kho, bhante, īme cattāro mahābhūtā aparisesā nirujjhanti, seyyathidaṁ- pathavīdhātu āpodhātu tejodhātu vāyodhātū'ti?

“Evañca kho eso, bhikkhu, pañho pucchitabbo-
‘Kattha āpo ca pathavī, tejo vāyo na gādhati;
kattha dīghañca rassañca, añum thūlam
subhāsubham;
kattha nāmañca rūpañca, asesam uparujjhati’ti.

“Tatra veyyākaraṇam bhavati-

‘Viññāṇam anidassanam,
anantaṁ sabbatopabham;
ettha āpo ca pathavī,
tejo vāyo na gādhati.
Ettha dīghañca rassañca,
añum thūlam subhāsubham;
ettha nāmañca rūpañca,
asesam uparujjhati;
viññāṇassa nirodhena,
etthetam uparujjhati’ti.

Idamavoca bhagavā. Attamano kevaṭo
gahapatiputto bhagavato bhāsitam abhinandīti.

71. Asaṅkhatalakkhaṇasuttam

“Tiṇimāni, bhikkhave, asaṅkhataṭṭa
asaṅkhatalakkhaṇāni. katamāni tiṇi? na uppādo
paññāyati, na vayo paññāyati, na ḥitassa
aññathattam paññāyati. imāni kho, bhikkhave, tiṇi
asaṅkhataṭṭa asaṅkhatalakkhaṇāni”ti.

72. Nibbutasuttaṃ

Atha kho jāṇussoṇī brāhmaṇo yena bhagavā tenupasaṅkami; upasaṅkamitvā bhagavantam abhivādetvā ekamantaṁ nisīdi. ekamantaṁ nisinno kho jāṇussoṇī brāhmaṇo bhagavantam etadavoca-

“sandīṭhikam nibbānaṁ sandīṭhikam nibbānan’ti, bho gotama, vuccati. kittāvatā nu kho, bho gotama, sandīṭhikam nibbānaṁ hoti akālikam ehipassikam opaneyyikam paccattam veditabbam viññūhi”ti?

“Ratto kho, brāhmaṇa, rāgena abhibhūto pariyādinnacitto attabyābādhāyapi ceteti, parabyābādhāyapi ceteti, ubhayabyābādhāyapi ceteti, cetasikampi dukkham domanassam paṭisaṁvedeti.

rāge pahīne nevattabyābādhāyapi ceteti, na parabyābādhāyapi ceteti, na ubhayabyābādhāyapi ceteti, na cetasikampi dukkham domanassam paṭisaṁvedeti. evampi kho, brāhmaṇa, sandīṭhikam nibbānaṁ hoti.

“Dūṭho kho, brāhmaṇa ...pe... mūlho kho, brāhmaṇa, mohena abhibhūto pariyādinnacitto attabyābādhāyapi ceteti, parabyābādhāyapi ceteti, ubhayabyābādhāyapi ceteti, cetasikampi dukkham domanassam paṭisaṁvedeti.

mohe pahīne nevattabyābādhāyapi ceteti, na parabyābādhāyapi ceteti, na ubhayabyābādhāyapi ceteti, na cetasikam dukkham domanassam paṭisaṁvedeti. evampi kho, brāhmaṇa, sandīṭhikam nibbānaṁ hoti. “Yato kho ayam, brāhmaṇa §01,

NIBBĀNA KATHĀ

anavasesam rāgakkhayam paṭisamvedeti,
 anavasesam dosakkhayam paṭisamvedeti,
 anavasesam mohakkhayam paṭisamvedeti; evam
 kho, brāhmaṇa, sandīṭhikam nibbānam hoti
 akālikam ehipassikam opaneyyikam paccattam
 veditabbam viññūhi”ti.

“Abhikkantam, bho gotama ...pe... upāsakam
 mām bhavaṃgotamo dhāretu ajjatagge pāṇupetaṃ¹
 saraṇam gatan”ti.

73. Aggappasādasuttam

“Yāvatā, bhikkhave, dhammā saṅkhatā vā
 asaṅkhatā vā, virāgo tesam aggamakkhāyati,
 yadidam madanimmadano pipāsavīnayo
 ālayasamugghāto vaṭṭupacchedo taṇhākkhayo virāgo
 nirodho nibbānam. Ye, bhikkhave, virāge dhamme
 pasannā, agge te pasannā. Agge kho pana
 pasannānaṃ aggo vipāko hoti.

74. Rohitassasuttam

“Yattha kho, āvuso, na jāyati na jīyati na
 mīyati na cavati na upapajjati, nāhaṃ taṃ gamanena
 lokassa antam ñāteyyaṃ daṭṭheyyaṃ patteyyan’ti
 vadāmi. Na cāhaṃ, āvuso, appatvā lokassa antam
 dukkhassa antakiriyam vadāmi.

Api cāhaṃ, āvuso, imasmīmyeva byāmamatte
 kaṭevare sasaññimhi samanake lokañca paññāpemi
 lokasamudayañca lokanirodhañca lokanirodha
 gāminiñca paṭipadan”ti.

“Gamanena na patabbo,
lokassanto kudācanam;
na ca appatvā lokantam,
dukkhā atthi pamocanam.
“Tasmā have lokavidū sumedho,
lokantagū vusitabrahmacariyo;
lokassa antam samitāvi ñatvā,
nāsīsatī lokamimam parañcā”ti.

Pañisambhidāmagge

75. Vipassanākathā

Pañcakkhandhe aniccato passanto anulomikam khantiṁ pañilabhati. Pañcannam kandhānam nirodho niccam nibbānanti passanto sammattaniyāmam okkamati.

Pañcakkhandhe dukkhato passanto anulomikam khantiṁ pañilabhati. Pañcannam kandhānam nirodho sukham nibbānanti passanto sammattaniyāmam okkamati.

Pañcakkhandhe rogato passanto anulomikam khantiṁ pañilabhati. Pañcannam kandhānam nirodho ārogyam nibbānanti passanto sammatta niyāmam okkamati.

Pañcakkhandhe gaṇḍato passanto anulomikam khantiṁ pañilabhati. Pañcannam kandhānam

nirodho agaṇḍam nibbānanti passanto sammatta niyāmaṁ okkamati.

Pañcakkhandhe sallato passanto anulomikam khantiṁ paṭilabhati. Pañcannaṁ kandhānaṁ nirodho visallaṁ nibbānanti passanto sammatta niyāmaṁ okkamati.

Pañcakkhandhe aghato passanto anulomikam khantiṁ paṭilabhati. Pañcannaṁ kandhānaṁ nirodho anagho nibbānanti passanto sammatta niyāmaṁ okkamati.

Pañcakkhandhe ābādhato passanto anulomi kam khantiṁ paṭilabhati. Pañcannaṁ kandhānaṁ nirodho anābādho nibbānanti passanto sammatta niyāmaṁ okkamati.

Pañcakkhandhe parato passanto anulomikam khantiṁ paṭilabhati. Pañcannaṁ kandhānaṁ nirodho aparappaccayaṁ nibbānanti passanto sammattaniyāmaṁ okkamati.

Pañcakkhandhe palokato passanto anulomikam khantiṁ paṭilabhati. Pañcannaṁ kandhānaṁ nirodho apalokadhammo nibbānanti passanto sammattaniyāmaṁ okkamati.

Pañcakkhandhe itito passanto anulomikam khantiṁ paṭilabhati. Pañcannaṁ kandhānaṁ nirodho anītikam nibbānanti passanto sammattaniyāmaṁ okkamati.

Pañcakkhandhe upaddavato passanto anulomikam khantiṁ paṭilabhati. Pañcannaṁ kandhānaṁ nirodho anupaddavaṁ nibbānanti passanto sammattaniyāmaṁ okkamati.

Pañcakkhandhe bhayato passanto anulomikam khantiṁ paṭilabhati. **Pañcannam** khandhānam nirodho abhayaṁ nibbānanti passanto sammatta niyāmaṁ okkamati.

Pañcakkhandhe upasaggato passanto anulomikam khantiṁ paṭilabhati. **Pañcannam** khandhānam nirodho anupasaggam nibbānanti passanto sammattaniyāmaṁ okkamati.

Pañcakkhandhe calato passanto anulomikam khantiṁ paṭilabhati. **Pañcannam** khandhānam nirodho acalaṁ nibbānanti passanto sammatta niyāmaṁ okkamati.

Pañcakkhandhe pabhaṅguto passanto anulomikam khantiṁ paṭilabhati. **Pañcannam** khandhānam nirodho apabhaṅgu nibbānanti passanto sammattaniyāmaṁ okkamati.

Pañcakkhandhe addhuvato passanto anulomikam khantiṁ paṭilabhati. **Pañcannam** khandhānam nirodho dhuvaṁ nibbānanti passanto sammattaniyāmaṁ okkamati.

Pañcakkhandhe atāṇato passanto anulomikam khantiṁ paṭilabhati. **Pañcannam** khandhānam nirodho tāṇam nibbānanti passanto sammattaniyāmaṁ okkamati.

Pañcakkhandhe aleṇato passanto anulomikam khantiṁ paṭilabhati. **Pañcannam** khandhānam nirodho leṇam nibbānanti passanto sammatta niyāmaṁ okkamati.

Pañcakkhandhe asaraṇato passanto anulomikam khantiṁ paṭilabhati. **Pañcannam**

NIBBĀNA KATHĀ

khandhānaṁ nirodho saraṇaṁ nibbānanti passanto sammattaniyāmaṁ okkamati.

Pañcakkhandhe rittato passanto anulomikam̄ khantiṁ paṭilabhati. Pañcannam̄ khandhānaṁ nirodho arittam̄ nibbānanti passanto sammatta niyāmaṁ okkamati.

Pañcakkhandhe tucchato passanto anulomi kam̄ khantiṁ paṭilabhati. Pañcannam̄ khandhānaṁ nirodho atucchaṁ nibbānanti passanto sammatta niyāmaṁ okkamati.

Pañcakkhandhe suññato passanto anulomikam̄ khantiṁ paṭilabhati. Pañcannam̄ khandhānaṁ nirodho paramasuññam̄ nibbānanti passanto sammattaniyāmaṁ okkamati.

Pañcakkhandhe anattato passanto anulomikam̄ khantiṁ paṭilabhati. Pañcannam̄ khandhānaṁ nirodho paramattham̄ nibbānanti passanto sammattaniyāmaṁ okkamati. Pañcakkhandhe ādīnavato passanto anulomikam̄ khantiṁ paṭilabhati. Pañcannam̄ khandhānaṁ nirodho anādīnavam̄ nibbānanti passanto sammattaniyāmaṁ okkamati.

Pañcakkhandhe vipariñāmadhammato passanto anulomikam̄ khantiṁ paṭilabhati. Pañcannam̄ khandhānaṁ nirodho avipariñāmadhammam̄ nibbānanti passanto sammattaniyāmaṁ okkamati.

Pañcakkhandhe asārakato passanto anulomikam̄ khantiṁ paṭilabhati. Pañcannam̄ khandhānaṁ nirodho sāraṇam̄ nibbānanti passanto sammattaniyāmaṁ okkamati.

NIBBĀNA KATHĀ

Pañcakkhandhe aghamūlato passanto anulomikām khantiṁ paṭilabhati. Pañcannām kandhānam nirodho anaghamūlam nibbānanti passanto sammattaniyāmaṁ okkamati.

Pañcakkhandhe vadhakato passanto anulomikām khantiṁ paṭilabhati. Pañcannām kandhānam nirodho avadhakam nibbānanti passanto sammattaniyāmaṁ okkamati.

Pañcakkhandhe vibhavato passanto anulomikām khantiṁ paṭilabhati. Pañcannām kandhānam nirodho avibhavaṁ nibbānanti passanto sammattaniyāmaṁ okkamati.

Pañcakkhandhe sāsavato passanto anulomikām khantiṁ paṭilabhati. Pañcannām kandhānam nirodho anāsavam nibbānanti passanto sammattaniyāmaṁ okkamati.

Pañcakkhandhe saṅkhatato passanto anulomikām khantiṁ paṭilabhati. Pañcannām kandhānam nirodho asaṅkhataṁ nibbānanti passanto sammattaniyāmaṁ okkamati.

Pañcakkhandhe mārāmisato passanto anulomikām khantiṁ paṭilabhati. Pañcannām kandhānam nirodho nirāmisam nibbānanti passanto sammattaniyāmaṁ okkamati.

Pañcakkhandhe jātidhammato passanto anulomikām khantiṁ paṭilabhati. Pañcannām kandhānam nirodho ajātaṁ nibbānanti passanto sammatta niyāmaṁ okkamati.

Pañcakkhandhe jarādhammato passanto anulomikām khantiṁ paṭilabhati. Pañcannām

NIBBĀNA KATHĀ

**khandhānaṁ nirodho ajaram nibbānanti passanto
sammattaniyāmaṁ okkamati.**

**Pañcakkhandhe byādhidhammato passanto
anulomikam khantim paṭilabhati. Pañcannam
khandhānaṁ nirodho abyādhi nibbānanti passanto
sammattaniyāmaṁ okkamati.**

**Pañcakkhandhe marañadhammato passanto
anulomikam khantim paṭilabhati. Pañcannam
khandhānaṁ nirodho amataṁ nibbānanti passanto
sammattaniyāmaṁ okkamati.**

**Pañcakkhandhe sokadhammato passanto
anulomikam khantim paṭilabhati. Pañcannam
khandhānaṁ nirodho asokam nibbānanti passanto
sammattaniyāmaṁ okkamati.**

**Pañcakkhandhe paridevadhammato passanto
anulomikam khantim paṭilabhati. Pañcannam
khandhānaṁ nirodho aparidevam nibbānanti
passanto sammattaniyāmaṁ okkamati.**

**Pañcakkhandhe upāyāsadhammato passanto
anulomikam khantim paṭilabhati. Pañcannam
khandhānaṁ nirodho anupāyāsaṁ nibbānanti
passanto sammattaniyāmaṁ okkamati.**

**Pañcakkhandhe saṃkilesikadhammato
passanto anulomikam khantim paṭilabhati.
Pañcannam khandhānaṁ nirodho asaṃkiliṭhaṁ
nibbānanti passanto sammattaniyāmaṁ okkamati.**

**Aniccatoti, aniccānupassanā. Dukkhatoti,
dukkhānupassanā. Rogatoti, dukkhānupassanā.
Gaṇḍatoti, dukkhānupassanā. Sallatoti,**

dukkhānupassanā. Aghatoti, dukkhānupassanā. Ābādhatoti, dukkhānupassanā. Paratoti, anattānupassanā. Palokatoti, aniccānupassanā. Ītitoti, dukkhānupassanā.

Upaddavatoti, dukkhānupassanā. Bhayatoti, dukkhānupassanā. Upasaggatoti, dukkhānupassanā. Calatoti, aniccānupassanā. Pabhaṅgutoti, aniccānupassanā. Addhuvatoti, aniccānupassanā. Atāṇatoti, dukkhānupassanā. Aleṇatoti, dukkhānupassanā. Asaraṇatoti, dukkhānupassanā. Rittatoti, anattānupassanā.

Tucchatoti, anattānupassanā. Suññatoti, anattānupassanā. Anattatoti, anattānupassanā. Ādīnavatoti, dukkhānupassanā. Vipariṇāmadhamma toti, aniccānupassanā. Asārakatoti, anattānupassanā. Aghamūlatoti, dukkhānupassanā. Vadhakatoti, dukkhānupassanā. Vibhavatoti, aniccānupassanā. Sāsavatoti, dukkhānupassanā.

Saṅkhatatoti, aniccānupassanā. Mārāmisatoti, dukkhānupassanā. Jātidhammatoti, dukkhānupassanā. Jarādhammatoti, dukkhānupassanā. Byādhidhammatoti, dukkhānupassanā. Maraṇadhammatoti, aniccānupassanā. Sokadhammatoti, dukkhānupassanā. Paridevadhammatoti, dukkhānupassanā. Upāyāsadhammatoti, dukkhānupassanā. Saṃkilesikadhammatoti, dukkhānupassanā.

Imehi cattālīsāya ākārehi anulomikam̄ khantiṁ paṭilabhati. Imehi cattālīsāya ākārehi sammatta niyāmam̄ okkamati.

Imehi cattālīsāya ākārehi anulomikam̄ khantiṁ

NIBBĀNA KATHĀ

paṭilabhantassa, imehi cattālīsāya ākārehi
sammattaniyāmāṃ okkamantassa kati aniccā
nupassanā, kati dukkhānupassanā, kati
anattānupassanā?

Pañcavīsatī anattānupassanā,
paññāsa aniccānupassanā;
sataṃ pañcavīsatī ceva,
yāni dukkhe pavuccareti.

(Paṭisambhidāmagge)
Vipassanākathā niṭṭhitā.

